

Clypevs Theologiæ Thomisticæ

Continens Tractatus de erroribus Pelagianorum, de Gratia, de
Iustificatione & Merito, de Virtutibus Theologicis, & quatuor Cardinalibus,
ac de ineffabili mysterio Incarnationis

Gonet, Jean-Baptiste

Parisiis, 1669

§. V. Corollaria præcedentis doctrinæ,

[urn:nbn:de:hbz:466:1-77342](#)

DISPUTATIO SECUNDA

virtutum non sunt meritoria vita aeterna, nisi ex charitatis imperio. Unde D. Augustinus de spiritu & littera cap. 14. cum dixisset *Mandatum non servari* (utique fructuosè) nisi sit ex amore iustitiae, rationem subiungit, dicens: *Non enim fructus est bonus, qui de charitatis radice non surgit.* Et ad id probandum adducit illud Apolto ad Galat. 5. *In Christo Iesu neque circumcisio aliquid valens, neque preputium, sed fides quae per charitatem operatur.* Item in Scriptura ipsa patientia martyrij, qua est actus praestans fortitudinis, non coronatur, nisi ratione dilectionis: dicitur enim Jacobi 1. *Beatus vir qui suffert temptationem, quoniam cum probatus fuerit, accipiet coronam vita, quam reprobavit Deus diligentibus se: ubi promissio mercedis non fit patientibus, sed diligentibus.* Similiter i. ad Corinth. 2. bona sea dona invisibilia glorie celestis dicuntur preparatae soli charitati: *Oculis non vidit, nec auris audivit, nec in cor hominis ascendit, quæ preparavit Deus ipsis qui diligunt illum.* Cui consonat oratio illa Ecclesie, Dominica 3. post octavas Trinit. *Dens qui diligenter te bona invisibilia preparasti, infunde cordibus nostris tui amoris affectionem, ut in omnibus.* & super omnia diligentes promissiones tuas, quæ omne desiderium superant, consequamur. Denique Apocal. 21. Angelus mensuram arundineam auream metitur portas, & murum coelestis Jerusalem, ut per hoc significaret charitatem esse mensuram gloriae essentialis, & gradus luminis gloriae commensurati gradibus charitatis; juxta illud Augustini lib. 83. questionum, quest. 46. *Anima quanum charitati adhaerescit, tantum lumine gloria illustrabitur.* Cujus vestigijs inherens Angelicus Doctor i. p. quest. 11. artic. 6. supra citato ait: *Plus participabit de lumine gloria, qui plus habet de charitate.*

§. V.

Corollaria precedentis doctrine.

166. Ex dictis inferes primò, in actibus virtutum infilarum, & acquisitarum, cum ex charitatis imperio procedunt, distinguendam esse duplē bonitatem; unam qua ipsi competit ex vi propriæ linea, per ordinem ad proprium & connaturale objectum; & aliam quam habent ex charitate derivatam, per quam ordinantur in finem ultimum. In prima bonitate fundatur meritum præmij essentialis; in secunda vero meritum præmij essentialis, ut ostensum est. Quare si essent duo homines, quorum unus per actum remissum charitatis patetur martyrium, alter vero per intensiore actum daret potum aquæ frigidæ, iste magis mereretur de præmio essentiali, alter vero consequeretur majus præmium accidentale, haberet enim aureolam martyrij, quæ isti non daretur. Unde Chrysostomus super illud Marci 9. *Quisquis dederit vobis calicem aqua in nomine meo, non perdet mercedem suam,* relatus à D. Thoma in catena aurea, sic ait: *Non pretium dati, sed affectus dantum, facit opus dignum mercede.* Aliqui etiam existimant, eum qui continuat per aliquod tempus, aut multiplicat actus virtutum infilarum, vel acquisitarum, etiam ex imperio charitatis, & non clicit actus intensio- nate, non tamen majus præmium essentialiale, sed id pluribus titulis: ex quo habebit specialem glo-

Ariam accidentalem supra alios, qui non ita multiplicarunt aut continuarunt charitatis actus. Cui sententiae favere videtur D. Thomas locis citatis, & S. Vincentius Ferrerius serm. 4. in Septuagesima, ubi haec habet: *Meritum essentialis seu principale non computatur secundum multiplicationem operum, vel durationem temporis, sed majorem charitatem, juxta illud Augustini: Non numerositas operum, non diuturnitas temporum, sed major charitas, majorque voluntas, auget premium.* Hanc doctrinam si bene considerarent tepidi, melius sibi caverent, & in actus ferventiores charitatis prorumpentes, non ornanda soldam quibusdam gaudiorum accidentalium flosculis corona, sed essentiali præmio ampliando & augendo diligentius studerent.

B Infetes secundò, quod si aliquis post acceptam gratiam in sacramento penitentiae cum sola attritione, eliciat actum alicujus virtutis acquisitæ, vel infusa, temperante v. g. vel religionis, & moriarum statim, antequam actum charitatis eliciat, non obtinebit gloriam essentialiem ex meritis, & titulo præmij, sed duntaxat titulo hereditatis, in quantum erit filius Dei adoptivus per gratiam: cum enim charitas sit radix meriti vita aeternæ, seu præmij essentialis, repugnat dari tale meritum, nisi aliquis ejus actus presupponatur. Habebit tamen ratione illorum actuum gloriam aliquam accidentalem, quia sicut omnis actus malus aliquam penam punitur, ita & omnis bonus aliquo præmio, saltem accidental, remuneratur.

C Inferes tertio, actus aliarum virtutum, quantumcumque perfectos, vel intensos, non mereri augmentum gratiae & charitatis, nisi a charitate, virtualiter saltem, imperati sint: cum enim præmium essentialis patriæ, in clara Dei visione consistens, intentioni gratiae & charitatis proportionetur & adaequetur, eodem modo philosophandum est de merito augmenti gratiae & charitatis, ac de merito præmij essentialis: unde si actus aliarum virtutum præmium essentialis mereri nequeant, nisi a charitate, virtualiter saltem, imperantur, non poterunt etiam, sine ejus imperio, augmentum gratiae & charitatis promereri.

D Inferes quartò, virtutes morales infusæ non possunt augeri, nisi etiam charitas augeratur. Ratio est, quia voluntas non potest ferri intensius in media, nisi etiam intensius feratur circa finem; cum finis sit ratio volendi & eligendi media ad ipsum conducientia: Sed virtutes morales infuse versantur circa media, charitas vero attingit ultimum finem, qui est objectum specificativum illius, ut supra declaravimus: Ergo repugnat virtutes infusæ augeri, nisi etiam habitus charitatis intendatur. Unde actus virtutum moralium infusarum includunt imperium charitatis, & sine illo esse nequeant, ut colligitur ex D. Thoma supra quest. 65. art. 2. ubi docet omnes virtutes morales infusæ esse connexas charitati, sicut acquisitæ sunt conexæ prudentia: Ergo sicut nullus est actus virtutis acquisitæ, qui judicium prudentiale, non involvat, aut supponat; ita nullus est actus virtutis moralis infusæ, qui non includat, aut supponat charitatis imperium: quare idem S. Doctor 2. 2. quest. 124. art. 2. ad 2. ait: *Martyrium est actus charitatis ut imperantis, fortitudinis autem ut elicientis.*

E Ex hoc corollario solutum manet præcipuum fundamentum alicujus Recentioris, qui contra nostram

nostram conclusionem sic arguit: *Justus eliciens actum temperantie infusa v. g. meretur de condigno ejus augmentum, immo si sit intensior habitus praesistence, est ultima dispositio ad ejus augmentum: Ergo etiam meretur de condigno augmentum gratiae & charitatis, & per consequens vita eterna, & premij essentialis.* Probatur consequentia: *Aucta proprietate, non potest non augeri essentia, & contra: Sed virtutes morales infusa sunt proprietates gratiae sanctificantis: Ergo aucta virtute morali infusa, debet etiam gratia habitualis augeri.*

Ad hoc, inquam, fundamentum solutio patet ex jam dictis: Antecedens enim distinguendum est: *Justus eliciens actum temperantie infusa intensorem habitu, meretur ejus augmentum, ratione imperii charitatis in tali actu virtualiter inclusi, vel ad illum presuppositi, concedo.* Antecedens: *secluso imperio formaliter, vel saltem virtuali charitatis, nego Antecedens.* Similiter distinguo Consequens: *Ergo meretur etiam augmentum gratiae & charitatis, ratione imperii charitatis, concedo: secluso, vel praecepsim imperio, nego.* Alia argumenta §. sequenti solventur.

§. VI.

Diluuntur fundamenta adversa sententiae.

Obicies primò: *Actus eliciti à virtutibus infusis, sive moralibus, sive Theologicis, secluso imperio charitatis, habent omnes conditiones ad merendum requiras, sive ex parte personae merentis, sive ex parte ipsius actus meritorij: in primis enim sunt actus hominis justi, & viatoris, ut supponimus: deinde hi actus sunt veri actus, ut patet, & supponuntur esse liberi: sunt etiam supernaturales quoad substantiam, cum eliciantur ab habitibus infusis & supernaturibus, propter motivum supernaturale: denique, cum illi actus à Deo ut auctore supernaturali procedant, ad ipsum ut finem ultimum supernaturalem tendunt & referuntur; nam ultimus suis semper proportionatur primo agenti: Ergo tales actus, etiā à charitate non impenetrantur, sunt meritorij vita eterna, & premij essentialis, & non solum.*

Confirmatur: *Omnis actus qui procedit à gratia habituali sanctificante, est meritorius vita eterna, positus prædictis conditionibus, gratia enim dignificat tam subjectum in quo est, quam operationes ejus qua ab ipsa procedunt: Sed actus eliciti à virtutibus infusis, procedunt à gratia habituali sanctificante; cum enim omnes virtutes infusa emanent a gratia, sicut proprietates ab essentia, ipsa gratia operatur medijs omnibus illis, eo modo quo essentia medijs suis proprietatibus activis, scilicet potentis: Ergo tales actus sunt meritorij vita eterna.*

Confirmatur amplius: *Ad meritum de condigno sufficit quod habeat proportionem cum premio: Sed omne opus gratiae habet proportionem cum vita eterna: Ergo de condigno illam meretur. Minor probatur: Motus cuiuslibet naturae habet proportionem ad finem illius, sicut motus gravium & levium est proportionatus ad fines ipsorum, & illa ad centrum perducit: Sed proprius finis gratiae est vita eterna, unde Joan. 4. gratia vocatur fons aquæ salientis in vitam eternam: Ergo omnis motus gratiae est propor-*

Tom. IV.

Actionatus cum vita eterna, & ad illam hominem perducit.

Ad objectionem respondeo, actibus elicitis à virtutibus infusis, secundum se spectatis, & præciso charitatis imperio, deesse unam & præcipuum conditionem, ad meritum de condigno vita eterna requisitam, nimirum perfectam relationem & tendentiam in Deum ut finem ultimum supernaturalem: licet enim ex natura sua, & ex eo quod à virtutibus supernaturalibus & infusis procedunt, ad ultimum finem supernaturalē ordinentur, hæc tamen ordinatio est imperfecta; est enim ordinatio generalissima, quā omnia pertinentia ad unum genus, in finem illius quomodo cumque tendunt, & veluti quedam exigentia, quā ex natura sua postulant in finem ultimum supernaturalem per charitatem perfectè referri. Unde in hoc distinguuntur actus virtutum moralium infusarum ab actibus virtutum moralium acquisitarum, quod illi solum habent potentiam obedientialem, ut in ultimam finem supernaturalē per charitatem ordinentur illi vero ad hoc proximan & connaturalem capacitatem & exigentiam habent.

Addo quod meritum dicit ordinem explicitum ad premium illi correspondens, & refertur in bonum & obsequium præmantis: *actus vero à virtutibus infusis eliciti, implicitè solum ad Deum ut finem ultimum supernaturalem reguntur, quatenus scilicet explicitè proprium objectum respiciunt, quod tanquam finis particularis & proximus sub fine ultimo universalis continetur: illi etiam bonum divinum, seu Deum ut in se bonum, propriè non respiciunt, sed illum sub ratione veri, vel quatenus est bonum nostrum, aut prima regula totius honestatis & bonitatis moralis, attingunt, ut in ultima ratione nostræ conclusionis expendimus; unde præter hanc relationem implicitam & imperfectam, aliam explicitam & perfectiorem exigunt, ut sint meritorij de condigno vita eterna, & debent in bonum & obsequium Dei formaliter, aut saltem virtualiter, per charitatem referri.*

Ad primam confirmationem, concessa Majori, distinguo Minorem: *Actus eliciti à virtutibus infusis, procedunt à gratia sanctificante, mediante charitatis imperio, concedo Minorem: independenter ab imperio charitatis, nego Minorem.*

Similiter distinguo Consequens: *Ergo sunt meritorij vita eterna, mediante imperio charitatis, concedo: secluso charitatis imperio, formaliter, aut virtuali, nego.* Solutio patet ex dicti corollar. 4. ibi enim ex D. Thoma ostendimus, nullum esse actum virtutis moralis infusa, qui non includat, vel supponat charitatis imperium; quia omnes virtutes morales infusa sunt connexæ charitati, sicut acquisita sunt connexæ cum prudentia. Addo quod actus virtutis moralis infusa præsupponit, & includit judicium prudentiae infusa, sicut actus virtutis moralis acquisita præsupponit & includit judicium prudentiae acquisitæ: constat autem quod sicut judicium prudentiae acquisitæ præsupponit rectum affectum circa bonum morale, quod est finis actuum moralium, sic judicium prudentiae infusa præsupponit rectum affectum circa Deum finem supernaturalē, qui est objectum charitatis: Ergo actus virtutis moralis infusa est propter motivum charitatis, & includit aut supponit necessarium ejus imperium.

Ex quo patet responsio ad secundam confir-

177.

Bb